

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ

N ՇՄՆ-ԴՇ-24/01

ք.Երևան

« 18 » « 01 » 2024թ.

Շրջակա միջավայրի նախարարությունը, ի դեմս գլխավոր քարտուղար Ս.Աթանեսյանի (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և «Շրջակա միջավայրի վրա ազդեցության փորձաքննական կենտրոն» պետական ոչ առևտրային կազմակերպությունը, ի դեմս տնօրեն Խ.Մարտիրոսյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2023 թվականի դեկտեմբերի 28-ի «Հայաստանի Հանրապետության 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ Որոշում), «Շրջակա միջավայրի վրա ազդեցության գնահատում և փորձաքննություն» ծրագրային միջոցառման՝ բաժին 05, խումբ 04, դաս 01, ծրագիր 1016, միջոցառում 11001 (այսուհետ՝ Ծրագիր), իրականացման նպատակով կնքեցին սույն պայմանագիրը (այսուհետ՝ Պայմանագիր) հետևյալի մասին.

## 1. Պայմանագրի առարկան

- 1.1. Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշումն արժեքով մինչև 250 950 800 (երկու հարյուր հիսուն միլիոն ինը հարյուր հիսուն հազար ութ հարյուր) ՀՀ դրամ գումարը, իսկ Կազմակերպությունը պարտավորվում է Ծրագիրն իրականացնել Որոշումն արժեքով սահմանված կարգով:
- 1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են Պայմանագրի Հավելված N<sup>1</sup>-ում:

## 2. Կողմերի իրավունքները և պարտավորությունները

- 2.1. Պետական մարմինն իրավունք ունի՝
  - 2.1.1. Ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը:
  - 2.1.2. Որոշումն արժեքով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել Պայմանագրի 5.2 կետով նախատեսված տուգանքը:
  - 2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝
    - ա) Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
    - բ) Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
    - գ) իրականացված միջոցառումները չեն համապատասխանում ծրագրով սահմանված պահանջներին:
  - 2.1.4. Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:
- 2.2. Կազմակերպությունն իրավունք ունի՝
  - 2.2.1. իրականացված միջոցառման արդյունքը Պետական մարմնի կողմից ընդունվելու դեպքում պահանջելու վճարել իրեն հասանելիք գումարը:
  - 2.2.2. Պետական մարմնի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները:
- 2.3. Պետական մարմինը պարտավոր է՝
  - 2.3.1. ծրագրով նախատեսված դեպքերում աջակցել Կազմակերպությանը:
  - 2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ:
  - 2.3.3. իրականացնել ծրագրով նախատեսված այլ աշխատանքներ:
  - 2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 10 (տասը) աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:
- 2.4. Կազմակերպությունը պարտավոր է՝
  - 2.4.1. իրականացնել ծրագրի շրջանակներում Պետական մարմնի կողմից տրամադրված գումարների հաշվառումը հաշվապահական հաշվառման վարման Հայաստանի Հանրապետության օրենսդրությանը համապատասխան:
  - 2.4.2. Պայմանագրով նախատեսված ֆինանսական միջոցներն օգտագործել ծրագրով և (կամ) Պայմանագրով սահմանված նպատակներով ու չափաքանակներով:
  - 2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները:



- 2.4.4. Պետական մարմինն ներկայացնել միջոցառումների իրականացման մասին աճողական հաշվետվություններ հաշվետու եռամսյակին հաջորդող ամսվա մինչև 5-ը, իսկ 4-րդ եռամսյակինը՝ մինչև դեկտեմբերի 15-ը, իսկ ծրագրի ավարտից հետո՝ 20-օրյա ժամկետում ամփոփ հաշվետվություն.
- 2.4.5. Պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.
- 2.4.6. Պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.
- 2.4.7. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### 3. Մոնիթորինգը, Պայմանագրի արդյունքների հանձնման և ընդունման կարգը

- 3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:
- 3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:
- 3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:
- 3.6. Պայմանագրի արդյունքն ընդունվում է Պետական մարմնի և Կազմակերպության միջև երկկողմ ստորագրված և հաստատված փաստաթղթով՝ հանձնման-ընդունման արձանագրությամբ (Հավելված N՝3), նշելով փաստաթղթի կազմման ամսաթիվը:  
 Պայմանագրի 2.4.4 կետով նախատեսված ժամկետում Կազմակերպությունը իրականացված միջոցառումների հաշվետվության հետ Պետական մարմնին է տրամադրում իր կողմից ստորագրված՝ հանձնման-ընդունման արձանագրության երկու օրինակ:
- 3.7. Հանձնման-ընդունման արձանագրությունը Պետական մարմնի կողմից ստորագրվում է, եթե Պայմանագրի արդյունքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և հաստատվում: Նման դեպքում Պետական մարմինը՝
  - ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները.
  - բ) Կազմակերպության նկատմամբ կիրառում է Պայմանագրով նախատեսված պատասխանատվության միջոցներ:
- 3.8. Պետական մարմինը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում Կազմակերպությանն է ներկայացնում իր կողմից ստորագրված և հաստատված հանձնման-ընդունման արձանագրության մեկ օրինակը կամ Պայմանագրի արդյունքները չընդունելու պատճառաբանված մերժումը:
- 3.9. Եթե Պայմանագրի 3.8 կետով սահմանված ժամկետում Պետական մարմինը չի ընդունում Պայմանագրի արդյունքը կամ չի մերժում դրա ընդունումը, ապա Պայմանագրի արդյունքը համարվում է ընդունված և Պայմանագրի 3.8 կետով սահմանված վերջնաժամկետին հաջորդող աշխատանքային օրը Պետական մարմինը Կազմակերպությանն է տրամադրում իր կողմից ստորագրված և հաստատված հանձնման-ընդունման արձանագրությունը:

### 4. Վճարման կարգը և ժամկետները

- 4.1. Պայմանագրի Հավելված N՝2-ով հաստատված, տվյալ եռամսյակին բաժին ընկնող գումարը յուրաքանչյուր ամսվա առաջին 10 (տասը) աշխատանքային օրվա ընթացքում, հավասար մասնաբաժիններով Պետական մարմինը փոխանցում է Կազմակերպության բանկային հաշվին՝ որպես տվյալ եռամսյակի կանխավճար:
- 4.2. Եթե Կազմակերպությունը տվյալ եռամսյակի համար նախատեսված միջոցառումները՝
  - ա) իրականացրել է ամբողջությամբ և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով.
  - բ) ամբողջությամբ չի իրականացրել, ապա կիրառվում է Պայմանագրի 2.1.2 և (կամ) 2.4.6 կետերով սահմանված պայմանները և իրականացված միջոցառումների արժեքի չափով Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, իսկ հաջորդ կանխավճարը վճարվում է չիրականացված միջոցառման չափով պակաս և Պայմանագրի 4.1 կետով սահմանված կարգով.
  - գ) իրականացրել է նախատեսվածից ավելի և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով





սահմանված կարգով, իսկ ավել իրականացված միջոցառման չափով վճարումն իրականացվում է մինչև 2024 թվականի դեկտեմբերի 20-ը, սակայն ոչ ավելի Պայմանագրի 1.1 կետով սահմանված գումարից:

4.3. Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո՝ Կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2024 թվականի դեկտեմբերի 20-ը:

## 5. Կողմերի պատասխանատվությունը

- 5.1. Կազմակերպությունը պատասխանատվություն է կրում Պայմանագրով նախատեսված միջոցառումների իրականացման և Պայմանագրի պահանջների պահպանման համար:
- 5.2. Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է ստացված ֆինանսական աջակցության գումարները չիրականացված միջոցառման չափով վերադարձնել Պետական մարմնին և վճարել տուգանք՝ պայմանագրի ընդհանուր գնի 0,5 (զրո ամբողջ հինգ տասնորդական) տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Տուգանքը հաշվարկվում է նաև Պայմանագրով նախատեսված միջոցառումները սահմանված ժամկետում իրականացնելու, սակայն Պետական մարմնի կողմից չընդունվելու դեպքում:
- 5.3. Պայմանագրով նախատեսված իրականացման ենթակա միջոցառումների ժամկետը խախտելու, ինչպես նաև Պայմանագրի 2.4.4 կետով նախատեսված հաշվետվությունները սահմանված ժամկետներում չներկայացնելու դեպքերում յուրաքանչյուր ուշացված օրվա համար Կազմակերպությունից գանձվում է տույժ՝ իրականացման ենթակա, սակայն չիրականացված միջոցառման գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պետական մարմինը Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցում է Կազմակերպությանը վճարման ենթակա գումարներից:
- 5.5. Պետական մարմնի կողմից Պայմանագրի 4.1 կետով նախատեսված ժամկետի խախտման դեպքում Պետական մարմնի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով նախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. Պայմանագրի գործողության ժամկետը

- 6.1. Պայմանագրի պայմանները տարածվում են 2024 թվականի հունվարի 3-ից կողմերի միջև ծագած հարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

## 7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

- 7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

## 8. Եզրափակիչ դրույթներ

- 8.1. Հայաստանի Հանրապետության 2024 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները (Հավելված №2) հանդիսանում է Պայմանագրի անբաժանելի մասը:
- 8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3. Եթե տրամադրվող դրամաշնորհով նախատեսված ծրագիրը և միջոցառումները ենթակա չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2024 թվականի ընթացքում ենթակա են վերադարձման Հայաստանի Հանրապետության պետական բյուջե:
- 8.4. Կազմակերպությունը մինչև 2025 թվականի հունվարի 31-ը Պետական մարմնին են ներկայացնում տեղեկատվություն 2024 թվականի պետական բյուջեի միջոցների հաշվին ստացված դրամաշնորհի շրջանակներում հաշվարկված և





պետական բյուջե վճարված ԱԱՀ գումարների, ինչպես նաև «Հայաստանի Հանրապետության 2024 թվականի պետական բյուջե մասին» օրենքի 7-րդ հոդվածի 22-րդ մասի պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:

- 8.5. Պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ: Պայմանագրի Հավելվածներ N№1-ը, 2-ը և 3-ը համարվում են Պայմանագրի անբաժանելի մասը:
- 8.6. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 9. Կողմերի հասցեները, բանկային վավերապայմանները և ստորագրությունները

#### ՊԵՏԱԿԱՆ ՄԱՐՄԻՆ

Շրջակա միջավայրի նախարարություն

ք.Երևան, Կառավարական տուն 3

ՖՆ գործառնական վարչություն

ՀՀ 900011000875

ՀՎՀՀ 02507198

Շրջակա միջավայրի նախարարության

գլխավոր քարտուղար

**Ս.Աթանեսյան**



#### ԿԱԶՄԱԿԵՐՊՈՒԹՅՈՒՆ

«Շրջակա միջավայրի վրա ազդեցության փորձաքննական կենտրոն» ՊՈԱԿ

ք.Երևան, Փ.Բյուզանդի 1/3

ՖՆ գործառնական վարչություն

ՀՀ 900018002866

ՀՎՀՀ 02543163

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրեն

**Խ.Սարգսյան**



Հավելված N<sup>1</sup>  
« 13 » « 01 » 2024թ. կնքված  
N<sup>o</sup> ՇԱՄ-ԴԾ-24/01 պայմանագրի

**ՊԵՏԱԿԱՆ ՄԱՐՄԻՆ**

Շրջակա միջավայրի նախարարության  
գլխավոր քարտուղար

**Ս.Աթանեսյան**



**ԿԱԶՄԱՎԵՐՊՈՒԹՅՈՒՆ**

«Շրջակա միջավայրի վրա ազդեցության  
փորձաքննական կենտրոն» ՊՈԱԿ-ի տնօրեն

**Ի.Մ. արտիստյան**



**ՄԻՋՈՑԱՌՈՒՄՆԵՐ**

Իրականացվելիք միջոցառման

NN կ/ի	անվանումը	համառոտ բովանդակությունը	կատարման ենթակա գործառույթների նկարագիրը	ակնկալվող արդյունքները և դրանց գնահատման չափանիշները	վերջնաժամկետը	պահանջվող գումարը (դրամ)
1	«Շրջակա միջավայրի վրա ազդեցության փորձաքննական կենտրոն» ՊՈԱԿ ներկայացվող հիմնադրույթային փաստաթղթերի, Ա և Բ կատեգորիաների նախատեսվող գործունեությունների նախագծային փաստաթղթերի, ՌԷԳ և ՇԱՄԳ փաստաթղթերի, ՌԷԳ և ՇԱՄԳ հաշվետվությունների շրջակա միջավայրի վրա ազդեցության փորձաքննություն:	Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի և իր կանոնադրության՝ իրականացնում է տարբեր ոլորտների հիմնադրույթային փաստաթղթերի և նախատեսվող գործունեությունների նախագծային փաստաթղթերի ՌԷԳ և ՇԱՄԳ հաշվետվությունների շրջակա միջավայրի վրա ազդեցության փորձաքննություն:	Հիմնադրույթային փաստաթղթի և Ա, Բ կատեգորիաների նախատեսվող գործունեությունների նախագծային փաստաթղթերի և ՌԷԳ, ՇԱՄԳ հաշվետվությունների ուսումնասիրություն և վերլուծություն, դրանց արդյունքում եզրակացության նախագծի կազմում:	ՌԷԳ, ՇԱՄԳ հաշվետվությունների փորձաքննության փուլերում շրջակա միջավայրի վրա ազդեցության փորձաքննական գործընթացի իրականացման արդյունքում շրջակա միջավայրի, ներառյալ մարդու առողջության վրա հնարավոր վնասակար ազդեցությունների կանխարգելումը, բացառումը և մեղմումը:	«Շրջակա միջավայրի վրա ազդեցության գնահատման և փորձաքննության մասին» օրենքով սահմանված ժամկետներ:	250 950 800
	Հայտի ուսումնասիրություն՝ պարզելու նախատեսվող գործունեությունը շրջակա միջավայրի վրա ազդեցության փորձաքննության	Հայտի ուսումնասիրության արդյունքում՝ շրջակա միջավայրի վրա ազդեցության փորձաքննության ենթակա լինելու կամ ենթակա չլինելու վերաբերյալ որոշման ընդունում:	Հայտի ուսումնասիրության արդյունքում՝ շրջակա միջավայրի վրա ազդեցության փորձաքննության ենթակա լինելու կամ ենթակա չլինելու վերաբերյալ որոշման ընդունում:	ՇԱՄԳ փորձաքննության ժամկետներն են՝ 1) Հիմնադրույթային փաստաթղթի նախատեսվող գործունեության կատեգորիայի	ՇԱՄԳ փորձաքննության ժամկետներն են՝ 1) Հիմնադրույթային փաստաթղթի նախատեսվող գործունեության կատեգորիայի	250 950 800





<p>ենթակա լինելը, կամ չլինելը:</p>	<p>նախատեվող գործունեությունների նախագծային փաստաթղթերի և ՌԷԳ ՇՄՄԳ հաշվետվությունների փորձաքննության իրականացման արդյունքում փորձաքննական եզրակացության նախագծի կազմում, փորձաքննական եզրակացության նախագծի ներկայացում շրջակա միջավայրի նախարարի հաստատմանը, իսկ անխորհունամային ազդեցություն ունեցող հիմնարկության փաստաթղթի կամ գործունեության դեպքում կատարվող հաստատումները:</p> <p>Հաստատումից հետո՝ եզրակացության տրամադրում նախաձեռնողին:</p> <ul style="list-style-type: none"> <li>• Հիմնարկության փաստաթղթերի և նախատեվող գործունեությունների շրջակա միջավայրի կրա ազդեցության փորձաքննության իրականացման գործընթացներում ազդավիր համայնքների և շահագրգիռ հանրության ներգրավում, հանրային ծանուցում կազմակերպում, կազմակերպության կողմից հանրային լսումներին իր մասնագետի մասնակցության ապահովում:</li> <li>• Մասնակցություն փորձաքննության գործընթացին վերաբերող քաղաքականության և փորձաքննության գործընթացը կարգավորող իրավական ակտերի մշակմանը:</li> <li>• Հիմնարկության փաստաթղթերի, նախատեվող գործունեությունների շրջակա միջավայրի վրա ազդեցության փորձաքննության իրականացման գործընթացում պետական կառավարման մարմինների և տեղական ինքնակառավարման մարմինների, փորձագետների (իրավաբանական կամ ֆիզիկական անձ) ներգրավում:</li> <li>• Շրջակա միջավայրի նախարարության ստորաբաժանումների, ինչպես նաև պետական կառավարման մարմինների կողմից մշակված և ոլորտներին առնչվող նորմատիվ իրավական ակտերի վերաբերյալ կարծիքների տրամադրում և այլ հանձնարարականների կատարում:</li> </ul> <p style="text-align: center;"><b>ԸՆԴՊԱՏԵՆԸ</b></p>	<p>դեպքում՝ մինչև 80 աշխատանքային օր:</p> <p>2) նախատեվող գործունեության Բ կատեգորիայի դեպքում՝ մինչև 40 աշխատանքային օր:</p> <p>Փորձաքննության գործընթացների լիարժեքությունն ապահովելու համար լրացուցիչ աշխատանք կատարելու կամ այլ տեղեկատվություն ձեռք բերելու անհրաժեշտության դեպքում լիազոր մարմինը փորձաքննական գործընթացի ժամկետը կարող է երկարաձգել մինչև 30 աշխատանքային օրով:</p>	<p><b>250 950 800</b></p>
------------------------------------	---	--	---------------------------



**ՊԵՏԱԿԱՆ ՄԱՐՄԻՆ**

Շրջակա միջավայրի նախարարության  
 գլխավոր քարտուղար

**Ս.Ա.Քաննեյան**



**ԿԱԶՄԱԿԵՐՊՈՒԹՅՈՒՆ**

«Շրջակա միջավայրի վրա ազդեցության  
 փորձաքննության կենտրոն» ՊՈԱԿ-ի տնօրեն

**Խ.Մ արտիկոպյան**



**ՀՀ 2024 թվականի պետական բյուջեով հաստատված արդյունքային (կատարողական) ցուցանիշների հիմնարկային (անողական) համամասնությունները**

Ծրագրի դասիչը՝	Միջոցառման դասիչը՝	Միջոցառման անվանումը՝	Նկարագրությունը՝	Միջոցառման տեսակը՝	Միջոցառումն անվանումը՝	Ցուցանիշներ				
						Առաջին եռամսյակ*	Առաջին կիսամյակ	Ինն ամիս*	Տարի	
	1016		Շրջակա միջավայրի վրա ազդեցության գնահատում և փորձաքննություն							
	11001		Շրջակա միջավայրի վրա ազդեցության գնահատման և փորձաքննությունները							
			Ծառայությունների մատուցում							
			Մասնագիտացված կազմակերպություններ							
			<b>Արդյունքի չափորոշիչներ</b>							
			Շրջակա միջավայրի վրա ազդեցության փորձաքննության ներկայացված նախատեսվող գործունեությունների և հիմնարկային փաստաթղթերի նախնական գնահատման հայտերի և գնահատման հաշվետվությունների եզրակացություններ, հատ				70			200
			Շրջակա միջավայրի վրա ազդեցության փորձաքննության ներկայացված նախատեսվող գործունեությունների և հիմնարկային փաստաթղթերի նախնական գնահատման հայտերի տեխնիկական առաջարկանքներ, հատ				35			85
			«Շրջակա միջավայրի վրա ազդեցության և գնահատման փորձաքննության մասին» ՀՀ օրենքով սահմանված ժամկետներում տրամադրված եզրակացությունների մասնաբաժինը, տոկոս				100			100
			<b>Միջոցառման վրա կատարվող ծախսը (հազար դրամ)</b>				<b>41 908.8</b>	<b>112 927.9</b>	<b>175 665.6</b>	<b>250 950.8</b>

\* Առաջին եռամսյակի և 9 ամիսների հաշվետվություններում արդյունքային չափորոշիչների համար «Հաշվետու ժամանակահատվածի պլանային (ճշտված) և փաստացի ցուցանիշների տարբերությունը» պլանակն չի լրացվում, իսկ «Տարբերության պատճառը» պլանակն ներկայացվում են միայն այն ցուցանիշների բացատրությունները, որոնց գծով հաշվետու ժամանակահատվածում առաջացել են ուժեղ առաջիկա հաշվետու ժամանակահատվածի համար հաստատված արդյունքային ցուցանիշների չկատարման կամ մասանբ կատարման գծով: Հաշվետու ժամանակահատվածի համար լրացվում է «Փաստացի ցուցանիշը հաշվետու ժամանակահատվածում» սյունակը:



Հավելված №3  
«13» « 01 » 2024թ. կնքված  
№ ՇԱՆ-ԴՇ-24/01 պայմանագրի

### ՊԵՏԱԿԱՆ ՄԱՐՄԻՆ

Շրջակա միջավայրի նախարարություն

բ.Երևան, Կառավարական տուն 3  
Ֆև գործառնական վարչություն  
ՀՀ 900011000875  
ՀՎՀՀ 02507198

### ԿԱԶՄԱԿԵՐՊՈՒԹՅՈՒՆ

«Շրջակա միջավայրի վրա ազդեցության

փորձաքննական կենտրոն» ՊՈԱԿ

բ.Երևան, Փ.Բլուզգանդի 1/3  
Ֆև գործառնական վարչություն  
ՀՀ 900018002866  
ՀՎՀՀ 02543163

### ԱՐՁԱՆԱԳՐՈՒԹՅՈՒՆ №

ՊԱՅՄԱՆԱԳՐԻ ԿԱՄ ԴԻԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
ՀԱՆՁՆՄԱՆ-ԸՆԴՈՒՆՄԱՆ

« \_\_\_\_\_ » 2024թ.

Պայմանագրի /այսուհետ՝ Պայմանագիր/ անվանումը՝ Պեզության կողմից դրամաշնորհի ձևով տրամադրվող ֆինանսական աջակցության գումարների

Պայմանագրի կնքման ամսաթիվը՝ «13» « 01 » 2024թ.

Պայմանագրի համարը՝ ՇԱՆ-ԴՇ-24/01

Պետական մարմինը՝ ի դեմս գլխավոր քարտուղար Ա.Աթանեսյանի և Կազմակերպությունը՝ ի դեմս «Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրեն Ի.Մարտիրոսյանի, կազմեցին սույն արձանագրությունը հետևյալի մասին.

Պայմանագրի շրջանակներում Կազմակերպությունը « \_\_\_\_\_ » 2024 թվականից մինչև « \_\_\_\_\_ » 2024 թվականն ընկած ժամանակահատվածում իրականացրել է հետևյալ միջոցառումները.

№	անվանումը	համառոտ բովանդակությունը	Իրականացված միջոցառման		վճարման ենթակա գումարը (հազար դրամ)
			ակնկալվող արդյունքները և դրանց գնահատման չափանիշները	բանական կամ արդյունքային ցուցանիշները	
			ըստ պայմանագրի	փաստացի	

ՀԱՆՁՆԵՑ

ԸՆԴՈՒՆԵՑ

ստորագրություն  
ազգանուն, անուն  
Կ.Տ.

ստորագրություն  
ազգանուն, անուն  
Կ.Տ.